

RAPORTI I TRANSPARENCËS



TOSERVE STUDIO
PUNO PËR TË SHËRBYER

Kondor Çeka

Auditues Ligjor
Praktikant i vetëm



2024

01 - HYRJE

Ky raport transparence lëshohet për të dhënë informacion mbi praktikat profesionale, kontrollet e brendshme dhe standardet etike të ndjekura nga Kondor Çeka, Auditues Ligjor (AL) që drejton **ToServe Studio**.

Si praktikant i vetëm dhe pa personel të punësuar, përpiqem të mbaj standarde të larta integriteti, profesionalizmi dhe cilësie në ofrimin e shërbimeve të auditimit ligjor.

02 - STRUKTURA LIGJORE

Veprimtarinë time e ushtoj si individ i vetëpunësuar që prej vitit 2021, me **NIPT M12030034N**.

03 - KUALIFIKIMI PROFESIONAL

- Auditues Ligjor
- I anëtarësuar pranë Regjistrat Aktiv të Institutit të Ekspertëve Kontabël të Autorizuar (IEKA)
- Licenca nr. 480, dt. 16.09.2021
- Me 27 vjet përvojë pune në kontabilitet, buxhetim, auditim, shërbime fiskale dhe misione të tjera të dhënies së sigurisë.

04 - STANDARDET PROFESIONALE & LIGJET BAZË TË PËRDITËSUARA

Standardet

- SNA - Standardet Ndërkombëtare të Auditimit
- SNRF - Standardet Ndërkombëtare të Raportimit Financiar
- SNK - Standardet Kombëtare të Kontabilitetit
- Kodi Ndërkombëtar i Etikës për Profesionistët Kontabël (përfshirë Standardet Ndërkombëtare të Pavarësisë)
- Kodi i Etikës - botuar nga IEKA
- SNMC - Standardet Ndërkombëtare të Menaxhimit të Cilësisë

Ligjet bazë të përditësuara

- Ligji Nr. 10091, datë 5.03.2009, “Për Auditimin ligjor, organizimin e profesionit të audituesit ligjor dhe të kontabilistit të miratuar”
- Ligji Nr. 25/2018, “Për Kontabilitetin dhe Pasqyrat Financiare”
- Ligji Nr.9901, datë 14.4.2008, “Për tregtarët dhe shoqëritë tregtare”
- Legjislacioni Fiskal

05 - DEKLARATA E POLITIKËS PËR KËRKESAT ETIKE

Partneri i vetëm i ToServe Studio angazhohet që t'i përmbahet parimeve themelore të etikës profesionale siç përshkruhen te Kodi e Etikës për Kontabilistët Profesionistë (Përfshirë Standardet Ndërkombëtare të Pavarësisë) dhe te Kodi i Etikës së IEKA-s, duke mbajtur një standard të lartë të sjelljes personale, me qëllim shmangien e çdo dëmtimi të mundshëm të reputacionit të ToServe Studio ose IEKA-s.

Interesi publik

Partneri i vetëm pranon përgjegjësinë e tij për të vepruar në interes të publikut.

Integriteti, objektiviteti dhe pavarësia

Partneri i vetëm nuk pranon angazhime nëse ka një lidhje me ndonjë klient, e tillë që do të cenonte pavarësinë e angazhimit.

Kur **ToServe Studio** fillon të veprojë për një klient të ri, Partneri i vetëm është i detyruar të konfirmojë dhe shpallë pavarësinë e tij në lidhje me angazhimin para fillimit të auditimit ligjor. Kjo deklaratë është e dokumentuar dhe e ruajtur në dosjen e angazhimit të auditimit.

Partneri i vetëm është përgjegjës për vlerësimin e çdo kërcënimi ndaj pavarësisë dhe sigurimin që çdo kërcënim, i cili në mënyrë të qartë nuk është i parëndësishëm, të dokumentohet dhe eliminohet ose reduktohet në një nivel të pranueshëm.

06 - METODOLOGJIA & QASJA E AUDITIMIT

Si praktikant i vetëm, përdor standarde dhe metodologji të njohura që përputhen me standardet profesionale të auditimit. Kjo përfshin:

● ***Metodën e bazuar në risk***

Vlerësoj dhe përqendrohem te fushat që paraqesin rreziqet më të rëndësishme për pasqyrat financiare.

● ***Kontrollin e cilësisë***

Ndjek parimet e përshkruara në ISQC 1 (Standardi Ndërkombëtar mbi Kontrollin e Cilësisë) për t'u siguruar që auditimet e mia të përmbushin standardet më të larta të cilësisë.

● ***Rishikimin e punës***

Ndërsa punoj vetëm, rishikoj periodikisht punën time të auditimit dhe konsultohem me kolegët e profesionit për të siguruar objektivitet dhe cilësi. Sipas kriterëve që kam përcaktuar në Manualin e Menaxhimit të Cilësisë së firmës, kërkoj rishikim të cilësisë së angazhimit nga Auditues Ligjorë të tjerë.

07 - QEVERISJA DHE UDHËHEQJA

Pavarësia dhe objektiviteti janë gurët e themelit të punës sime si auditues. Praktikant e mëposhtme janë në fuqi për të mbajtur këto parime:

- **Pavarësia** - Ndërmarr të gjitha hapat e nevojshme për të siguruar pavarësinë time në kryerjen e çdo angazhimi auditimi. Kjo përfshin vlerësimin e konflikteve të mundshme të interesit dhe marrjen e hapave të duhur për zbutjen e tyre.
- **Qeverisja** - Si praktikant i vetëm, ndjek një proces vetëmonitorimi dhe shqyrtimi të kolegëve për të siguruar respektimin e standardeve etike dhe kërkesave rregullatore.
- **Respektimi i standardeve etike** - I përmbahem Kodit të Etikës për Kontabilistët Profesionistë të përcaktuar nga Bordi Ndërkombëtar i Standardeve të Etikës për Kontabilistët (BNSEK) dhe kornizave të tjera etike përkatëse.

08 - KONTROLLI & SIGURIMI I CILËSISË

Për sigurimin e një cilësie të lartë të auditimeve që kryej, janë në fuqi procedurat e mëposhtme:

- **Kontrolli i brendshëm i cilësisë** - Kam përpiluar një Manual të Menaxhimit të Cilësisë për Studion dhe mbaj një sistem të kontrollit të cilësisë për çdo auditim, duke siguruar respektimin e standardeve dhe rregulloreve profesionale.
- **Shqyrtimi i performancës së angazhimit** - Çdo angazhim auditimi i nënshtrohet proceseve të rishikimit të brendshëm, duke përfshirë një listë kontrolli të procedurave të auditimit, vlerësimet e rrezikut dhe validimin e përfundimeve.
- **Konsultimi** - Meqenëse jam praktikant i vetëm, angazhohem në konsultime të rregullta me kolegë me eksperiencë në profesion për të kërkuar këshilla dhe qëndrime alternative mbi çështje komplekse ose të pazakonta.

09 - SHËRBIMET NDAJ KLIENTËVE

Llojet e shërbimeve të ofruara janë si vijojnë:

- Auditim Ligjor
- Rishikim ose Përpilim i Pasqyrave Financiare
- Mbajtje kontabiliteti dhe deklarata tatimore
- Konsulencë për kontabilitet dhe çështje fiskale
- Misione të tjera të dhënies së sigurisë
- Analiza financiare
- Plane Biznesi

Marrëdhënia me klientët

Mbaj komunikim transparent dhe të hapur me të gjithë klientët. Letrat e qarta të angazhimit lëshohen në fillim të çdo angazhimi, duke përkrahur fushëveprimin, tarifat dhe pritshmëritë për të dyja palët.

Motoja ime është *“puno për të shërbyer”*.

Marrëdhënia e partneritetit të ngushtë me Viar Consulting sh.p.k.

Bashkëpunimi im si profesionist me Studio Viar Consulting daton që prej vitit 2015, fillimisht si i punësuar, dhe, që prej vitit 2021, me kontratë shërbimi. Kjo përvojë ka qenë një mundësi shumë e dobishme për zhvillimin tim profesional.

Aktualisht, Studio Viar Consulting është, përveçse ndër klientët e mi kryesorë, edhe Partner Angazhimi pothuajse në të gjitha auditimet ligjore të ToServe Studio në NjIP. Kjo ka qenë një siguri e shtuar për ToServe Studio për një angazhim sipas standardeve profesionale dhe etike.

Për angazhimet e përbashkëta dhe sipas kriterëve të menaxhimit të cilësisë së të dyja studiove, kemi emëruar Rishikues të Cilësisë së Angazhimit të Auditimit kur e kemi gjykuar të nevojshme.

10 - TARIFIMI

Struktura ime e tarifës bazohet në kompleksitetin dhe madhësinë e angazhimit, dhe përcaktohet në mënyrë të drejtë dhe transparente. Ajo është rënë dakord me klientët në fillim të çdo angazhimi, me kushte të qarta të përcaktuara në letrën e angazhimit.

11 - KONFIDENCIALITETI

E ruaj rreptësisht konfidencialitetin lidhur me të gjitha informacionet e klientit dhe i përmbahem ligjeve dhe rregullave përkatëse në lidhje me mbrojtjen e të dhënave dhe privatësisë. Të gjitha regjistrimet e klientëve ruhen në mënyrë të sigurt dhe qasja në to është e kufizuar.

12 - PËRPUTHSHMËRIA RREGULLATORE & PROFESIONALE

Respektimi i standardeve të auditimit

Të gjitha angazhimet e auditimit kryhen në përputhje me Standardet Ndërkombëtare mbi Auditimin (ISA).

Formim i vijueshëm profesional

Angazhohem në trajnime të rregullta dhe zhvillim profesional për t'u siguruar që jam i përditësuar me ndryshimet më të fundit rregullatore, standardet e auditimit dhe praktikat më të mira të industrisë. Plotësoj çdo vit 80 orë trajnim të detyrueshëm, sipas kërkesave të organizatës profesionale IEKA, ku bëj pjesë.

13 - POZICIONI FINANCIAR

Si praktikant i vetëm, zhvilloj një veprimtari të vogël dhe nuk kam jam i detyruar të jap të njëjtat raportime financiare si firmat më të mëdha. Megjithatë, jam i vendosur të mbaj praktika të shëndosha financiare dhe operacionale. Një përmbledhje e operacioneve të mia të biznesit është si më poshtë vijon:

Qarkullimi i ToServe Studio në vitin 2024 sipas llojit të shërbimit

Lloji i shërbimit	Shuma
Auditim Ligjor i njësive ekonomike me interes publik (NIP)	970
Auditim Ligjor i njësive ekonomike jo me interes publik (Jo-NIP)	120
Shërbime për dhënie sigurie, kontabiliteti, konsulence e të tjera.	6.225
Gjithsej në mijë lekë	7.315

Gjatë vitit 2024, në bashkëpunim me të tjerë Auditues Ligjorë, janë audituar këto njësi ekonomike me interes publik:

- Gen-I Tirana sh.p.k.
- Autoriteti i Komunikimeve Elektronike dhe Postare (AKEP)
- Enti Rregullator i Energjisë
- Tregu i Shitjes Shumicë Fruta-Perime sh.a.

14 - FUSHAT KRYESORE TË RREZIKUT & SFIDAT

Si një firmë e vogël, dhe duke qenë i punësuar i vetëm, përballem me disa sfida unike, disa prej të cilave janë:

- ***Menaxhimi i mbingarkesës***

Për shkak të madhësisë së firmës, marr përsipër një numër të kufizuar klientësh për të siguruar cilësinë dhe për të ruajtur ekuilibrin punë-jetë.

- ***Ndryshimet e standardeve dhe ligjeve***

Respektimi i ndryshimeve të shpeshta në standarde dhe legjislacion është një sfidë e vazhdueshme. E trajtoj këtë nëpërmjet Formimit të Vijueshëm Profesional si dhe përmes shkëmbimit me kolegët.

15 - PËRFUNDIMI

Ky raport ka për qëllim të ofrojë transparencë dhe të demonstrojë angazhimin tim për ruajtjen e standardeve të larta profesionale në fushën e auditimit. Përpiqem vazhdimisht të përmirësoj cilësinë e punës sime, të siguroj respektimin e standardeve etike dhe profesionale dhe të mbaj një marrëdhënie të hapur dhe bashkëpunuese me të gjithë klientët.

Për pyetje ose hollësi të mëtejshme, mund të më kontaktoni përmes kontakteve të mëposhtme.



TOSERVE STUDIO
PUNO PËR TË SHËRBYER

KONDOR ÇEKA
Auditues Ligjor

e-mail: kondor.ceka@gmail.com | celular: +355674936310